



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Beatitudo non consistit in bonis fortunæ

[urn:nbn:de:hbz:466:1-77355](#)

DISPUTATIO SECUNDA

tas octoginta de summo bono sententias: veruntamen omnes possunt ad tres classes reduci, iuxta distinctionem illam bonorum, quam primò tradiderunt Academicī, teste Cicerone 1. Academ. questionum, deinde Aristoteles 1. libro magnorum moralium cap. 3. Bona enim hominis sunt triplicis generis, scilicet bona animæ, bona corporis, & bona exteriora, sive fortunæ. Bona fortunæ sunt divitiae, honores, gloria, potestas, & que sub his continentur. Bona corporis sunt valetudo, robur, pulchritudo, voluptas, & que ad hæc reduci possunt. Bona verò animæ sunt virtutes & scientia, & que ad eas conducunt. Ut ergo omnes antiquorum Philosophorum errores penitus excludantur, per hæc tria bonorum genera breviter discendum est, ac demonstrandum in nullo eorum veram hominis felicitatem posse consistere.

S. I.

Beatiudo non consistit in bonis fortune.

Dico primò, beatitudinem objectivam hominis non posse consistere in bonis fortunæ. Ita D. Thomas hic art. 1. & tribus sequentibus.

2. Probatur breviter: Beatitudo, cum sit maxima hominis perfectio, debet esse bonum homini intrinsecum, ipso homine superius & excellentius, firmum ac stabile, & ejus appetitum perfectè satiare: bona autem fortuna sunt pure externa, homine inferiora, & ei deservientia tanquam media ad vitam sufficiendam, insuper citè transiunt ac dilabuntur, ejusque appetitum non satiant; *Avarus enim non impletur pecunia*, ut dicitur Eccles. 5. & ut ait Berninus, *Non plus satiat cor hominis aurum, quam corpus aurum*: Ergo in illis objectiva hominis beatitudo non potest consistere.

3. Deinde beatitudo non est communis bonis & malis, sed determinatè bonum reddit habentem: At bona fortunæ, ut divitiae, honores, potentia, &c. bonis & malis, justis & peccatoribus, regibus & tyrannis communia sunt, illisque potest homo bene vel male uti, ut experientia confitat: Ergo in bonis illis objectiva hominis beatitudo consistere nequit.

4. Item beatitudo possessa afferit omnia bona, & excludit omnia mala, ut constat ex ejus definitionibus supraadductis: At vero bona fortunæ, nec omnia bona afferunt, v.g. valetudinem, aut sapientiam, juxta illud Proverb. 17. *Quid prodest stulto habere divitias, cum sapientiam emere non possit*. Nec omnia mala excludunt, quin potius multas pariant curas & afflictiones; nam ut ait Bernardus Epist. 105. *Possessa onerant, amata inquinant, amissa cruciant*: & propterea Christus Lucas 8. divitias spinas appellat, quia (inquit Gregorius homil. 15. in Evang.) cogitationum suarum punctionibus mentem lacerant. Unde egregiè Cyprianus ad Donatum: *Quos felices opinari, infinita ac sine terminis rura latius porridentes, quibus argenti & aurii maximum pondus &c. hos inter divitias suas trepidos, cogitationis incerta sollicitudo distractat, ne predo vastet, ne percussor infestet, ne inimica cuiusque locupletioris inuidia, calumpniosus litibus inquietet*. Non cibus securè somnisque contingit. *Suspirat ille in convívio, bibat licet in gemma;* & cum epulis marcidum corpus, thorus mollior alto sinu condiderit, vigilat in plu-

A ma; nec intelligit miser speciosa sibi esse supē plūcia, aurō se alligatum teneri, & possideri magis quam possidere divitias. Bellè quoque Regius Psaltes divites avaros, viros divitiarum appellavit, non divitias virorum, ut ostenderet eos non esse possidores divitiarum, sed à divitias suis possideri, ut rectè annotavit D. Ambrosius libro de Nabothe, cap. 15.

Denique ut discitur D. Thomas hīc artic. 1. in argumento *sed contra*, Bonum hominis in retinendo beatitudinem magis consistit, quam in emittingo ipsam: divitiae autem, ut ait Boëtius, effundunt magis quam conservando melius nitent: unde Apostolus ad Philipp. 3. de bonis temporalibus loquens, ait: *ea arbitror ut fierora: nimur quia hæc congregata fotent, effusa verò ac super terram dispersa, eam germinare, ac fructum copiosum afferre faciunt: Ergo beatitudo hominis, in divitiis & bonis fortunæ non potest consistere.*

Idem dicendum de honoribus, dignitatibus, ac sæculari potentia: nam hæc etiam bona sunt purè externa, & humani cordis famem non satiant, sed acidunt, & ut ait Seneca ad Polibium: *Cum labore possidentur, cum invidia conspicuntur, coisque ipsos quos exornant, onerant & premunt*. Illa etiam lubrica sunt, fluxa, caduca, & transitoria. Unde mundi gloria ac potestas Jacobi 4. vocatur, *Vapor ad modicum parens*: & Sap. 5. dicitur, *Quasi umbratransiens*. Item Daniel. 7. terrena regna marinis fluctibus comparantur. *Vidi, & ecce quatuor venti pugabant in mari magno: quin (inquit Theodoreus) sicut marini fluctus, pro vario ventorum flatu, huc illucque fluunt & refluent, sic regna a gente ad gentem transiunt; Assyriorum regnum ad Persas, Persarum ad Medos, Medorum ad Græcos, Græcorum ad Romanos, Romanorum ad Germanos & ad Turcas*. Hinc etiam tot subitas mortes Regum, Imperatorum, Dynastarum, quæ præter omnem expectationem levissimè occasione contingunt. Unde Prophetæ Psal. 36. *Vidi impium superexaltatum, & elevatum sicut cedros Libani, & transi vi, & ecce non erat; quasi rursum, & non est inventus locus eius*. Et Sapiens Eccles. 10. *Rex hodie est, & cras morietur*.

Nec in prophana tantum, sed in sacra etiam potestate, tales mutationes videre est, sive tales eorum inopinatas mortes, qui post illam adeptam brevissime vixerunt, & vix illius administrationem artigerunt. Exemplo sunt multi supremi Pontifices, qui nec integrum mensem, immo nec hebdomadam integrum sui Pontificatus numerare potuerunt. Sic Stephanus II. dies 4. Urbanus VII. dies 7. Bonifacius V. dies 15. Cœlestinus IV. dies 17. Sifinnius dies 20. Marcellus II. dies 21. Damasus I. dies 23. Pius III. dies 26. Leo XI. dies 27. Pontificatum tenuisse, tamque brevi spatio absolvisse dicuntur. Hinc Bernardus ad Eugenium scribens, & hanc Pontificatus brevitatem inculcans, Ep. 237. *In omnibus operibus memento te esse hominem*, inquit, & timor ejus, qui avertit spiritum Principum, semper stet ante oculos tuos. *Quantorum in brevi Romanorum Pontificum mortes tuis oculis appexisti?* Ipsi te prædecessores tui orissimæ & citissima decepcionis admoneant; & modicum tempus dominationis eorum, paucitatem dierum tuorum nuntiet tibi. *Iugi prouinde meditatione, inter hujus presentis gloria blandimenta, memorare novissima tua: quia quibus successisti in Sedem, ipsos sine dubio seque-*

ris ad mortem: &c. Et propter hoc refert Bellarius lib. 3. de summo Pontifice cap. 24. ubi & citat librum primum sacrarum ceremoniarum, quod in promotione summi Pontificis incenditur stupa coram eo, & dicitur ei: *Sic transit gloria mundi:* scilicet ut hoc symbolo monatur, quam brevi fruitorum illa gloria, in quam eum Pontifica dignitas evexit, ineminetur vicina mortis, qua totam illam pompa brevi dissipatura est. Ad quod idem pertinet, quod mox acceptas claves, velut symbolum Pontificiae potestatis, alteri tradit, ut nimurum significet se potestatem, cuius indicia sunt, non diu servaturum.

Omnia sunt hominum tenui pendentia filio,
Et subito casu qua valuerunt ruunt.

S. II.

Beatus in bonis corporis consistere nequit.

8. **D**ico secundò, beatitudinem in aliquo corporis bono, presertim in voluptate, non posse consistere. Ita S. Thomas art. 5. & 6.

Probatur prima pars: Beatitudo cum sit ultimus finis, non debet ad aliquid aliud ordinari: Sed omnia bona corporis ordinantur ad bona anima, sicut ad finem, quia ut ait S. Doctor hic art. 5. *Ipsum corpus est propter animam; sicut materia propter formam, & instrumenta propter motorem, ut per ea suas actiones exerceat:* Ergo beatitudo in bonis corporis nequit consistere.

9. Confirmatur: quia haec bona communia sunt hominibus & brutis; immo in brutis saepè reperiuntur perfectiori modo quam in hominibus, ut vita longior, valetudo firmior, vires majores, sensus acutiores. Unde Seneca: *Ratio perfecta proprium hominis bonum est; cetera illi cum animalibus communia sunt: est fortis, & leones: formosus est, & pavones: velox est, & equus: habet vocem, sed quanto clariorum canes, acutiorum aquile, graviorum tauri, dulciorum & suaviorem lucinia?* Addo etiam quod bona corporalia citò transeunt; beatitudo autem incorruptibilis est.

10. Secunda pars, quod scilicet beatitudo in voluptatibus carnis non posset consistere, ostenditur contra Epicureos, felicitatem hominis in praedictis voluptatibus collocantes; & contra Saracenos & Mahometanos, qui beatitudinem nedum vita hujus, sed etiam vita futura, constituant in comedationibus, fornicationibus, & aliis carnalibus oblectamentis; & denique contra Cerinthum, & ejus discipulos, qui (teste D. Thoma 3. contra Gent. cap 27.) sic in ultima felicitate post resurrectionem mille annos in regno Christi secundum carnales ventris voluptates fabulabantur futuros, unde & *Chilia*, quod idem est latine ac millenarii, sunt appellati. Probatur, inquam, haec pars: Felicitas, cum sit maxima hominis perfectio, debet illi convenire secundum id quod est nobilissimum in ipso: Atqui voluptates carnis convenient homini, non secundum intellectum, qui est nobilissima ipsius potentia, sed solùm secundum sensum: Ergo in illis ejus beatitudo non consistit.

11. Confirmatur: nam (ut discurrevit D. Thomas loco citato) *Summa perfectio hominis esse non potest in hoc quod conjungitur rebus se inferioribus, sed per hoc quod conjungitur alicui rei altiori-*

A. *ri, finis enim est meliore eō quod est ad finem: delectationes autem premissae consistunt in hoc quod homo secundū sensum conjungitur aliquibus se inferioribus, scilicet sensibilibus quibusdam: non est igitur in talibus delectationibus felicitas ponenda.* Unde bellè Seneca Epist. 74. *Quid mihi voluptatem nominas? hominis bonum queris, non pecudis, aut bellua, quibus venter laxior est, & ad percipiendas corporis voluptates aptior. Ille cibo avidius utuntur, venere non equis fatigantur.* Addit Simplicius, sapientissime hoc à natura constitutum esse, nempe carnales delicias citò transire, usque suo perire, ne diu infani essemus: voluptas enim, brevis infaniam est.

B. *Secundò probatur eadem pars: Finis ultimus ad ulteriore finem non est ordinabilis: delectationes autem tactus & gustus ordinantur ad aliquem finem, scilicet ad conservationem corporis, & ad prolis generationem, suntque veluti condimenta seu accessoria boni honesti;* & idè provida & sapiens natura, illas tanquam lenocinium & incitamentum apposuit in actibus necessariis ad conservationem individui & speciei, ut bruta quæ non possunt apprehendere bonum honestum, illo delectabili traherentur. Ex quo inferes, quòd non idè res est honesta, quia delectabilis, ut volebant Epicurei, qui bonum honestum ad voluptatem ordinabant; sed C. *potius econtra res est delectabilis, qui honesta & conveniens naturæ rationali: unde deordinatio & peccatum est creature rationali, aliquid opus propter delectationem, tanquam propter finem facere: tunc enim agit more brutorum, & quod in bruto est natura, in ipsa est virtus.*

Tertius siadetur eadem pars, ex eo quod beatitudo, ut suprà dicebamus, debet omnia mala excludere: voluptates autem corporeæ omnia mala non expellunt, sed potius multis amaritudinibus respergunt. Unde bellè Hugo à S. Victore: *Voluptas mel habet in ore, fel in corde.*

Habet hoc voluptas omnis,
Stimulis agit frumenta;
& pumque par volantum;
Vbi grata mella fundit,
Fugit, & nimis tenaci

Ferit ita corda mortuæ.

Denique, ut discurrevit D. Thomas h̄c art. 6. Delectatio est quoddam proprium accidens, quod consequitur beatitudinem; ex hoc enim aliquis delectatur, quod habet bonum sibi conveniens: Ergo delectatio non est ipsa beatitudo hominis, sed solùm aliqua ejus proprietas. Quæ ratio convincit non solùm de delectatione corporeæ, sed etiam de spirituali.

Dices: Dolor est summum malum: Atqui summo malo opponi debet summum bonum, Ergo delectatio, quæ dolori opponitur, debet esse summum bonum.

Item delectatio appetitur propter seipsum, & omnia alia gratiâ ipsius: Ergo est ultimus finis, ac proinde summum bonum. Ultraque consequentia patet, Antecedens probatur. Ideò appetitur bonum, ut ejus præfentiâ & possessione quiescat appetitus: Sed hujusmodi quies est idem quod delectatio: Ergo omnia propter delectationem appetuntur, ipsa vero gratiâ sui appetitur.

Ad primum argumentum respondeo, negando Antecedens: mors enim & peccatum sunt

D. iii

14.

15.